



Broj: 08-06/2-14-2-1409-11/16

Dana: 26.04.2016.godine

Na osnovu člana 22. Zakona o unutrašnjim poslovima Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 15/04, 11/05 i 09/09), a u vezi sa članom 69. stav (3) i članom 70. stav (4) Zakona o javnim nabavkama („Službeni glasnik BiH“, broj 39/14), u postupku javne nabavke – LOT 2: "Sukcesivna nabavka goriva za potrebe PU Žepče", ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o poništenju postupka javne nabavke

Član 1.

Poništava se Odluka o izboru najpovoljnijeg ponuđača broj 08-06/2-14-2-1409-7/16 od 13.04.2016.godine u postupku javne nabavke za LOT 2: "Sukcesivna nabavka goriva za potrebe PU Žepče", iz razloga što je ponuđač "ENERGOPETROL" d.d. Sarajevo propustio dostaviti originalne ili ovjerene kopije dokumentacije iz člana 45. i 46. Zakona o javnim nabavkama u roku od (5) pet dana od dana prijema Odluke o izboru najpovoljnijeg ponuđača – član 69. stav (3) Zakona o javnim nabavkama.

Član 2.

Za izvršenje ove odluke zadužuje se i ovlašćuje Sektor za podršku.

Član 3.

Ova odluka objavit će se na web-stranici ugovornog organa (www.mupzdk.gov.ba) u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-1409/16 od 17.03.2016.godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke bez PDV-a je 60.200,00 KM.

Obavještenje o nabavci broj: 488-1-1-10-3-10/16 objavljeno je na portalu javnih nabavki dana 18.03.2016.godine u 15,40 h.

Komisija za javnu nabavku imenovana je Odlukom broj: 08-06/2-14-2-1409-2/16 od 22.03.2016.godine.

Komisija za javnu nabavku sačinila je Zapisnik o otvaranju ponuda broj: 08-06/2-14-2-1409-3/16 od 08.04.2016. godine i Zapisnik o ocjeni ponuda broj: 08-06/2-14-2-1409-4/16 od 13.04.2016. godine, kojim je dala preporuku o izboru najpovoljnijeg ponuđača u postupku javne nabavke za LOT: 2 "Sukcesivna nabavka goriva za potrebe PU Žepče.

Odlukom broj 08-06/2-14-2-1409-7/16 od 13.04.2016.godine Ugovorni organ je utvrdio da je

najpovoljniji ponuđač "ENERGOPETROL" d.d. Sarajevo ujedno i jedini kvalifikovani ponuđač. Članom II Odluke o izboru najpovoljnijeg ponuđača ovaj Ugovorni organ je pozvao ponuđača "ENERGOPETROL" d.d. Sarajevo da dostavi dokaze koji se odnose na ličnu sposobnost iz člana 45. stav (2) tačka od a) do d) Zakona o javnim nabavkama i dokaze iz člana 46. Zakona o javnim nabavkama – sposobnost obavljanja profesionalne djelatnosti, u roku od 5 (pet) dana od dana prijema Odluke o izboru najpovoljnijeg ponuđača.

Odluka je poslana ponuđaču Energopetrol d.d. Sarajevo putem fax-a dana 13.04.2016.godine u 16,26 sati.

Ponuđač "ENERGOPETROL" d.d. Sarajevo je originalnu dokumentaciju dostavio dana 20.04.2016.godine na Protokol ovog ugovornog organa pod brojem: 08-06/2-14-2-2003/16-BS, a što je izvan roka utvrđenog u Odluci o izboru najpovoljnijeg ponuđača.

Imajući u vidu da nakon poništenja Oluke o izboru najpovoljnijeg ponuđača nema drugorangiranog ponuđača ostvareni su uslovi za poništenje predmetnog postupka javne nabavke, te je riješeno kao u dispozitivu.

POUKA O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Nikola Arsenić